



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA E APELIT PRISHTINË

Numri i lëndës: 2020:008716
Datë: 22.01.2024
Numri i dokumentit: 05218731

PA1.nr. 708/23

NË EMËR TË POPULLIT

GJYKATA E APELIT E KOSOVËS - Departamenti i Përgjithshëm, në kolegjin e përbërë nga gjyqtarët Skender Çoçaj, kryetar i kolegjit, Abdullah Ahmeti dhe Ferit Osmani, anëtarë, me praktikantin gjyqësor Arben Arifi, si procesmbajtës, në lëndën penale ndaj të akuzuarit G.S., nga fshati..., K. Mitrovicë, për shkak të veprës penale Pengimi i personit zyrtar në kryerjen e detyrave zyrtare nga neni 409 par.5 lidhur me par.1 të KPRK-së, për të vendosur sipas ankesës së mbrojtësit të akuzuarit, të ushtruar kundër aktgjykimit të Gjykatës Themelore në Mitrovicë – Dega në Skenderaj, P.nr. 51/2022 të datës 06.04.2023, në seancën e kolegjit të mbajtur më datë 11 Janar 2024 mori këtë:

A K T G J Y K I M

Refuzohet si e pabazuar ankesa e mbrojtësit të akuzuarit G.S., ndërsa aktgjykimi i Gjykatës Themelore në Mitrovicë – Dega në Skenderaj, P.nr. 51/2022 të datës 06.04.2023, **VËRTETOHET.**

A r s y e t i m

Me aktgjykimin e Gjykatës Themelore në Mitrovicë – Dega në Skenderaj, P.nr. 51/2022 të datës 06.04.2023, i akuzuari G.S., është shpallur fajtor për shkak të veprës Pengimi i personit zyrtar në kryerjen e detyrave zyrtare nga neni 409 par.5 lidhur me par.1 të KPRK-së, për të cilën i është shqiptuar dënimi me burgim në kohëzgjatje prej 1 (një) viti me kusht se i njëjti dënim nuk do të ekzekutohet nëse i akuzuari në afat prej 2 (dy) vite pas plotfuqishmërisë së këtij aktgjykimi nuk kryen tjetër vepër penale.

I akuzuari është obliguar që të paguaje shpenzimet e procedurës penale të cilat dalin sipas llogarisë përfundimtare të gjykatës, në emër të paushallit gjyqësor shumen prej 20 (njëzet) euro, si dhe në emër të fondit për kompensimin e viktimave të krimit shumen prej 20 (njëzet) euro si dhe në emër të super-ekspertizës financiare shumen prej 250 (dyqind e pesëdhjetë) euro e të gjitha këto në afat prej 15 ditësh pas plotfuqishmërisë së aktgjykimit.

Kundër këtij aktgjykimi në afatin ligjor ankesë ka ushtruar :

Mbrojtësi i të akuzuarit G.S. – av.Vehbi Beqiri nga Mitrovica, për shkak të shkeljeve esenciale të dispozitave të procedurës penale, vërtetimit të gabuar dhe jo të plote të gjendjes faktike, shkeljes së ligjit penal dhe vendimit mbi dënimin, duke propozuar që aktgjykimi i ankimuar i gjykatës së shkallës së parë të ndryshohet dhe i akuzuari në mungesë të provave të lirohet nga akuza apo aktgjykimi i gjykatës së shkallës së parë të anulohet dhe çështja t'i kthehet gjykatës së shkallës së parë në rigjykim dhe rivendosje.

Prokurori i Apelit i Kosovës, duke u shqaruar përkitazi me ankesën e mbrojtësit së të akuzuarit G.S., me shkresën e vet PPA.II.nr. 743/23 të datës 08.06.2023 ka propozuar që Gjykata e Apelit e Kosovës, ankesën e mbrojtësit të të akuzuarit ta refuzojë si të pabazuar, ndërsa aktgjykimi i ankimuar i gjykatës së shkallës së parë të vërtetohet.

Gjykata e Apelit mbajti seancën e kolegjit në pajtim me nenin 390 paragrafi 1 të KPPRK-se, në të cilën prezantoi vetëm mbrojtësi i të akuzuarit G.S., av.Vehbi Beqiri nga Mitrovica, ndërsa palët e tjera munguan edhe pse të njoftuar në mënyrë të rregullt, andaj seanca e kolegjit u mbajt në pajtim me nenin 390 paragrafi 4 të KPPRK-se. Mbrojtësi i të akuzuarit në tërësi mbeti pranë ankesës së ushtruar me shkrim dhe pas elaborimit të së njëjtës propozoi që ankesa të aprovohet si e bazuar.

Kolegji penal i Gjykatës së Apelit të Kosovës, konform nenit 394 par.1 të KPPK-së i shqyrtoi shkresat e lëndës, vlerësoi aktgjykimin e ankimuar, pretendimet ankimore të mbrojtësit së të akuzuarit G.S., dhe gjeti se :

- Ankesa nuk është e bazuar.

Sa i përket shkeljeve esenciale të dispozitave të procedurës penale mbrojtësi i të akuzuarit G.S., av.Vehbi Beqiri, me ankese pretendon se aktgjykimi shkallës së parë është i përfshirë me shkelje esenciale të dispozitave të procedurës penale nga neni 384 paragrafi 1 nën par.1.7 dhe 1.12 e lidhur me nenin 370 par.6 dhe 7 të KPPRK-së, me arsyetim se dispozitivi i aktgjykimit të kontestuar është i pakuptueshëm, është kundërthënë në brendinë e tij dhe me arsyet e paraqitura në arsyetimin e aktgjykimit. Sipas mbrojtësit në aktgjykim nuk janë paraqitur arsyet lidhur me faktet vendimtare ndërsa arsyet e paraqitura janë plotësisht të paqarta dhe në masë të konsiderueshme kundërthënëse. Sipas mbrojtësit së të akuzuarit Gjykata e shkallës së parë në aktgjykimin e ankimuar nuk i ka paraqitur në mënyrë të plote faktet e vërtetuara dhe të pa vërtetuara, e të cilat shkelje aktgjykimin e shkallës së parë e bëjnë të paqëndrueshëm për çka të njëjtin duhet anuluar.

Gjykata e Apelit e Kosovës, vlerësoi pretendimet ankimore të mbrojtësit të të akuzuarit G.S., lidhur me shkeljet esenciale të dispozitave të procedurës penale dhe konstatoi se të njëjtat nuk janë të bazuara ngase aktgjykimi i ankimuar i gjykatës së shkallës së parë

është i qarte dhe i kuptueshëm dhe si i tille përmban arsye te mjaftueshme përkitazi me faktet relevante te kësaj çështje juridiko penale si dhe faktet nga te cilat varet edhe aplikimi i drejte i dispozitave te ligjit penal. Theksimet e lartpërmendura ne ankese nuk janë te natyrës se tille për te konstatuar se aktgjykimi përmban mangësi te atilla procedurale qe do ta bënin te paqëndrueshëm ligjshmërinë e tij. Gjykata e shkalles se pare ne mënyre te drejte dhe te plote i ka vërtetuar te gjitha faktet vendimtare te kësaj çështje dhe se eshte mbështetur ne provat e administruara si dëgjimit te deshmitareve – zyrtarëve doganor N.K. dhe V.M., si dhe ka administruar provat materiale si vërtetimin mbi konfiskimin e mallit 07.12.2018, mendimin dhe konstatimin me shkrim te ekspertit të komunikacionit rrugor te datës 11.06.2019, raportin mbi rastin i datës 06.12.2018 leshuar nga Dogana e Kosoves – sektori Anti-Kontrabandë, se bashku me fotot e kamionit dhe mallit si dhe provat e tjera ne lëndë, andaj pretendimet ankimore lidhur me mos vërtetimin e fakteve vendimtare lidhur me kete çështje, Gjykata e Apelit i refuzoi si te pabazuara.

Sa i përket vërtetimit te gabuar dhe jo te plote te gjendjes faktike, mbrojtësi i të akuzuarit G.S., pretendon se si rezultat i shkeljeve esenciale të dispozitave të procedurës penale dhe shkeljes se ligjit penal ne dem te të akuzuarit ka ardhur deri te vërtetimi i gabuar dhe jo i plotë i gjendjes faktike ngase nuk është vërtetuar fakti se i akuzuari e ka kryer veprën penale për të cilën është akuzuar dhe shpallur fajtor, siç është pretenduar në aktakuzë e që këto fakte nuk janë vërtetuar as pas administrimit të provave dhe dëgjimit të deshmitarëve N.K. dhe V.M., andaj gjykata sipas mbrojtësit të akuzuarin e ka shpallur fajtor pa u plotësuar elementet e veprës penale për të cilën është shpallur fajtor ngase ne rastin konkret nuk eshte vërtetuar se i akuzuari te ketë përdorur forcën apo kërcënimin serioz ndaj personave te lartcekur zyrtarë.

Gjykata e Apelit e Kosovës, vlerësoi pretendimet ankimore te mbrojtësit të të akuzuarit lidhur me vërtetimin e gabuar dhe jo te plote te gjendjes faktike dhe konstatoi se te njëjtat nuk janë te bazuara ngase janë ne kundërshtim me provat e administruara si : deklaratat e deshmitarëve N.K. dhe V.M., te cilët kane deklaruar se te njëjtit kane qene me veturë zyrtare te Doganës se Kosovës e cila është e shenjzuar edhe me dritën rotative me ngjyre te kaltër ashtu qe edhe pse i kane dhënë shenjë që të ndalet, vozitësi ka refuzuar te ndalet duke e vozitur kamionin dhe duke vozitur ne mes të rrugës nga ana e majtë dhe kete veprim e ka bërë çdo herë kur nuk ka pasur vetura nga ana e kundërt e po ashtu herë pas here ka kaluar edhe ne anën e shiritit te kundërt e me qëllim që të pengoj dhe bllokoj rrugën dhe se i njëjti e pamundësonte tejkalimin me qëllim që t'i dalin para dhe ta ndalojnë dhe se ne momentin që personi ndez dritën rotative, vozitësi eshte i obliguar qe te ndalet, pra nuk ka zbatuar urdhrat e personave zyrtarë per ndalje, e ne baze te te cilave konstatohet se gjykata e shkalles se pare, drejte dhe ne mënyre te plote ka vërtetuar gjendjen faktike ne rastin konkret, andaj edhe pretendimet ankimore lidhur me vërtetimin e gabuar dhe jo te plote te gjendjes faktike i refuzoi si te pabazuara si dhe konstatoi se ne rastin konkret kur i akuzuari është shpallur fajtor për veprën penale për të cilën është akuzuar, drejte është aplikuar edhe ligji penal, për çka edhe pretendimet e mbrojtësit lidhur me shkeljen e ligjit penal në dem të të akuzuarit i refuzoi si të pabazuara ngase ne veprimet e te akuzuarit ekzistojnë të gjitha elementet subjektive dhe objektive te veprës penale Pengimi i personit zyrtar ne kryerjen e detyrave zyrtare nga neni 409 par.5 lidhur me par.1 të KPRK-së, për te cilën është shpallur fajtor, ngase me veprimin e tij aktiv ka pamundësuar kryerjen e detyrave zyrtare duke i penguar qe te njëjtit ta kalojnë dhe ta ndalin dhe se per te ekzistuar kjo vepër penale nuk eshte e domosdoshme vetëm përdorimi i forcës apo kërcënimi serioz siç pretendon mbrojtësi i të akuzuarit, por edhe pamundësia e kryerjes se detyrës zyrtare.

Sa i përket vendimit mbi sanksionin penal, mbrojtësi i të akuzuarit G.S., me ankesë nuk e atakon aktgjykimin lidhur me këtë baze ankimore ngase pretendon se i akuzuari nuk e ka kryer veprën penale dhe se i njëjti duhet të lirohet në mungesë të provave, megjithatë Gjykata e Apelit e vlerësoi edhe në këtë aspekt dhe konstatoi se gjykata e shkallës së parë me rastin e vendosjes në lidhje me sanksionin penal ka vlerësuar të gjitha rrethanat lehtësuese dhe rënduese të parapara me nenin 69 dhe 70 të KPRK-së e të cilat ndikojnë në llojin dhe lartësinë e dënimit, me bindje se me dënimin e shqiptuar nga ana e Gjykatës së shkallës së parë, do të arrihet qëllimi i dënimit i paraparë me nenin 38 të KPRK-së, respektivisht parandalimi i kryerëses nga kryerja e veprave penale në të ardhmen, të bëhet rehabilitimi i saj, parandalimi i personave tjerë nga kryerja e veprave penale dhe ngritja e moralit për respektimin e ligjit.

Nga arsyet e cekura më lartë, e në bazë të nenit 401 të KPPK-së u vendos si në dispozitiv të këtij aktgjykimi.

GJYKATA E APELIT E KOSOVËS
PA1.nr.708/23 më 11.01.2024

Procesmbajtës
Arben Arifi

Anëtarët e kolegjit
Abdullah Ahmeti

Kryetar i kolegjit
Skender Çoçaj

Ferit Osmani
